



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

14.07.2022

158-tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalari (ichki mehnat tartibi qoidalari)ni hamda Odob-axloq kodeksini buzish holatlari kuzatilmoqda.

Xususan, Jinoiy odil sudlov fakulteti 2-kurs, A potok 3-guruh talabasi Xodjiyeva Maftuna Ravshan qizi universitet 3-sonli talabalar turar joyining 114-xonasida mazkur fakultetning 2-kurs, Rus B potok 1-guruh talabasi Abdusalomova Shaxrizoda Abduxakimjon qizi bilan birgalikda istiqomat qilib kelib, 2022-yil 15-iyun kuni soat taxminan 15:00 lar atrofida xonadoshi Sh.Abdusalomovanning uxlab yotganidan foydalanib, unga tegishli bo'lgan "iPhone 13 Mini" telefon apparatini yashirin tarzda o'zlashtirib olib qo'ygan.

Mazkur holat yuzasidan talaba Xodjiyeva Maftuna Ravshan qizidan tushuntirish olinganida u haqiqatdan ham 2022-yil 15-iyun kuni soat taxminan 15:00 lar atrofida xonadoshi Sh.Abdusalomovanning uxlab yotganligidan foydalanib, unga tegishli bo'lgan "iPhone 13 Mini" telefon apparatini yashirin tarzda olib qo'yganligini bayon qilgan.

Bundan tashqari, holatga aloqasi bo'lgan Jinoiy odil sudlov fakultetining 2-kurs talabasi Xotambekov Ulug'bek Akmalbek o'g'lidan ham holat yuzasidan tushuntirish olinganligida u 2022-yil 15-iyun kuni soat taxminan 18:30 lar atrofida talaba M.Xodjiyeva "iPhone 13 Mini" telefon apparatini sotmoqchi bo'lib uning oldiga telefon apparati hamda jihozlarini sotishga mo'ljallangan do'koniga ushbu telefon apparatini olib kelganligini, M.Xodjiyevaga bir necha aniqlashtiruvchi savollar berganligidan so'ng telefon apparatini "o'g'irlangan" degan shubhaga borganligini hamda ichida o'ziga tanish bo'lgan Sh.Abdusalomovanning suratlarini ko'rganidan so'ng bu xususda fakultet dekanatiga xabar berganligini bayon qilgan.

Shu bilan birga, talaba M.Xodiyevaning ushbu harakatlari universitetning

Odob-axloq komissiyasi yig'ilishida ko'rilganida talaba turli bahonalar va yolg'onlarni ishlatib komissiya a'zolarini chalg'itishga, ularni aldashga urinib o'zining nojo'ya hatti-harakatlaridan tegishli xulosa chiqarmagan.

Talaba Xodjiyeva Maftuna Ravshan qizi o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksi 16-moddasining birinchi qismi birinchi xatboshisi (har qanday huquqbuzarlik yoki jinoyat sodir etish, jumladan, tuhmat qilish, haqoratlash), to'rtinchi xatboshisi (universitetga moddiy va uning ishchanlik obro'siga salbiy ta'sir etuvchi ma'naviy zarar yetkazish), beshinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish), 18-moddasi birinchi qismi (Xodim, talaba va doktorantlarning o'zaro munosabatlari halollik tamoyillariga asoslanishi) hamda 26-moddasi ikkinchi qismi ikkinchi xatboshisi (halollik va adolat bilan hayot kechirish kabi olijanob fazilatlarni chuqur anglashga), oltinchi xatboshisi (universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga), o'ttiz birinchi xatboshisi (o'qishdan tashqari vaqtda umumiy qabul qilingan odob-axloq normalariga rioya etish, g'ayriijtimoiy xatti-harakatlarga yo'l qo'ymaslik)da ko'rsatib o'tilgan qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va Toshkent davlat yuridik universiteti Odob-axloq komissiyasining 2022-yil 30-iyundagi 11-son yig'ilish bayoni hamda universitet Ichki tartib qoidalari (ichki mehnat tartibi qoidalari)ning 83-bandiga asosan,

### **B U Y U R A M A N:**

1. Universitetning Jinoiy odil sudlov fakulteti 2-kurs talabasi Xodjiyeva Maftuna Ravshan qiziga hayfsan e'lon qilinsin.

2. Jinoiy odil sudlov fakulteti dekani (D.Kamalova):

ushbu buyruq bilan fakultet talabalarini tanishtirsin;

talaba M.Xodjiyeva tomonidan kelgusida universitet Odob-axloq kodeksi, Ichki tartib qoidalari (ichki mehnat tartibi qoidalari), Akademik halollik talablari va boshqa ichki lokal hujjatlar yana bir marotaba buzilgan taqdirda talabani talabalar safidan chetlashtirilishi to'g'risida ogohlantirsin;

talaba tomonidan sodir etilgan holat yuzasidan uning ota-onasi (yaqin qarindoshlari)ga xabar berilsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin

**Rektor**



**A.TASHKULOV**

Toshkent shahar

### **Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA



### **Kelishildi:**

Direktor

SH.PO'LOTOV



Markaz direktori

S.MAMANAZAROV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



yuriskonsult

D.ALIBOYEV

